

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-7814/26
Sarajevo, 22.6.2026. godine

Na osnovu člana 69. stav (2) tačka d) i člana 70. stav (1) i (4) i člana 72. stav (3) tačka b) Zakona o javnim nabavkama („Službeni glasnik BiH“, br. 39/14 i 59/22 i 50/24) i člana 23. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU O PONIŠTENJU POSTUPKA JAVNE NABAVKE

I

Poništava se postupak javne nabavke – **Izvođenje radova na zaštiti pješačkih zona na području Općine Novi Grad Sarajevo**, broj obavještenja 422-1-3-79-3-104/26, objavljeno na Portalu javnih nabavki BiH dana 31.3.2026.godine i u “Službenom glasniku BiH”– Oglasnik javne nabavke broj 25/26, obzirom dostavljena ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba istovremeno sa dostavljanjem ponuđaču koji je učestvovao u postupku, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-7814/26 od 27.3.2026. godine Općina Novi Grad Sarajevo pokrenula je otvoreni postupak javne nabavke – **Izvođenje radova na zaštiti pješačkih zona na području Općine Novi Grad Sarajevo**, broj obavještenja 422-1-3-79-3-104/26, objavljeno na Portalu javnih nabavki BiH dana 31.3.2026.godine i u “Službenom glasniku BiH”– Oglasnik javne nabavke broj 25/26. Procijenjena vrijednost za predmetnu nabavku iznosi 829.059,83 KM bez PDV-a, odnosno 970.000,00 KM sa PDV-om.

Zapisnikom o otvaranju ponuda od 21.4.2026. godine Komisija je konstatovala da je u predviđenom roku, u propisno upakovanoj koverti pristigla jedna (1) ponuda ponuđača:

1. „Ame“ d.o.o. Breza sa ponudnom cijenom za okvirni sporazum u iznosu od 828.746,36 KM bez PDV-a.

Zapisnik sa otvaranja ponuda dostavljen je ponuđačima na fax/e-mail u zakonom predviđenom roku.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je utvrdila da ponuda ponuđača „Ame“ d.o.o. Breza ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost: *“da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa položenim stručnim ispitom i najmanje pet godina radnog iskustva.”* Tačkom 3.4.2. (b) i (c) propisano je da se navedeno dokazuje na sljedeći način: *„b. Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke, sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili ovjerena kopija), c. Dokaz o stručnoj spremi, položenom stručnom ispitu i radnom iskustvom za jednog VSS diplomiranog inženjera - građevinske ili arhitektonske struke iz tačke b. (original ili ovjerena kopija)“*

Uvidom u dostavljenu ponudu ponuđača „Ame“ d.o.o. Breza konstatovano je da:

- na stranici 52. ponude ponuđač je dostavio Listu osiguranih lica izdatu od Porezne ispostave Breza od 16.04.2026. godine gdje je za inženjera Omerhodžić Almedin naveden datum početka osiguranja 01.10.2021. godine u Ame d.o.o. Breza

- na stranici 55. ponude ponuđač je dostavio Uvjerjenje o osiguranju od 23.12.2025. godine izdato od Porezne ispostave Breza za inženjera Omerhodžić Almedin gdje je naveden datum prijave 01.10.2020. godine u Ame d.o.o. Breza

- na stranici 56. ponude ponuđač je dostavio potvrdu izdatu od Ame d.o.o. Breza za radno iskustvo inženjera gdje je navedeno da je isti u radnom odnosu od 01.10.2020. godine na mjestu građevinski inženjer.

Imajući u vidu dostavljenu dokumentaciju Komisija konstatuje da s obzirom na Listu osiguranih lica izdatu od Porezne ispostave Breza od 16.04.2026. godine (gdje je naveden datum početka osiguranja 01.10.2021. godine u Ame d.o.o. Breza za inženjera sa VSS) ponuđač nije dokazao da inženjer za kojeg je dostavio dokumentaciju ima najmanje 5 godina radnog iskustva u struci. Također na Uvjerjenju o osiguranju od 23.12.2025. godine za Omerhodžić Almedina prijava - SSS kao datum prijave naveden je 28.08.2018. godine, a datum odjave 30.09.2021. godine, te novi datum prijave kao VSS 01.10.2020. godine.

Komisija konstatuje da ponuđač „Ame“ d.o.o. Breza ne ispunjava ni uslov iz tačke 3.4.1. (d) tehnička i profesionalna sposobnost: „kamion nosivosti do 10 t (kipер- samoistovarivač) - 2 kom., kamion nosivosti preko 10 t (kipер- samoistovarivač) - 2 kom., utovarivač - 1 kom., rovokopač - bager do 8t - 1 kom., rovokopač - bager preko 8 t - 1 kom., vibracioni valjak od 2 t do 6 t - 1 kom., valjak preko 8 t - 1 kom., finišer - 1 kom., greder - 1 kom., rezač za asfalt i beton - 1 kom., vibro nabijač - skakavac - 1 kom., vibro ploča od 250 do 450 kg - 1 kom.“

“ Tačkom 3.4.2. (e) propisano je da se navedeno dokazuje na sljedeći način: „e. ... Dokaz o obezbjeđenosti mehanizacije neophodne za obavljanje predmetnih radova: kamion nosivosti do 10 t (kipер- samoistovarivač) - 2 kom., kamion nosivosti preko 10 t (kipер- samoistovarivač) - 2 kom., utovarivač - 1 kom., rovokopač - bager do 8t - 1 kom., rovokopač - bager preko 8 t - 1 kom., vibracioni valjak od 2 t do 6 t - 1 kom., valjak preko 8 t - 1 kom., finišer - 1 kom., greder - 1 kom., rezač za asfalt i beton - 1 kom., vibro nabijač - skakavac - 1 kom., vibro ploča od 250 do 450 kg - 1 kom. Kao dokaz se dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione dostaviti ovjerene kopije važećih saobraćajnih dozvola; za radne mašine dostaviti ovjerene kopije važećih saobraćajnih ili upotrebnih dozvola.

Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija).”

Ponuđač „Ame“ d.o.o. Breza je na stranici 68 dostavio ovjerenu kopiju saobraćajne dozvole za valjak kao dokaz da je opremljen vibracionim valjkom od 2 t do 6 t - 1 kom. Međutim iz saobraćajne dozvole nisu vidljive tražene karakteristike, a ponuđač nije dostavio ovjerenu kopiju zapisnika kojom bi dokazao tražene karakteristike vibracionog valjka.

Iz naprijed navedenog razloga utvrđeno je da ponuđač „Ame“ d.o.o. Breza ne ispunjava uslove tražene u tenderskoj dokumentaciji iz tačke 3.4.1. (b) i (d) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Komisiji za javne nabavke radova
2. Ponuđačima u postupku
3. U spis

Official stamp of the Public Procurement Office of the Municipality of Breza. The stamp is circular and contains the text: "OPĆINSKI UREDA ZA JAVNE NABAVKE BREZA". To the right of the stamp is a handwritten signature in black ink, which appears to be "mr. Semir Efendic". Below the signature, the text "Općinski načelnik" and "mr. Semir Efendic" is printed.